

Na osnovu člana 90. Stav (3) i (5) Zakona o javnim nabavkama Bosne i Hercegovine ("Službeni glasnik BiH", br.:39/14 i 59/22) zaključuje se:

U G O V O R

za javnu nabavku tonera putem direktnog sporazuma

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Kupac**), ID broj: 4200665390008
2. **R&S d.o.o.**, ul. Igmanska bb, 71320 Vogošća, koju zastupa direktor, Damir Pahor (u daljnjem tekstu: **Prodavac**), ID broj: 4200056290005.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Prodavca broj: 5110/23 od 13.02.2023. godine.

III PREDMET UGOVORA

Član 1.

Predmet ovog Ugovora je nabavka i isporuka tonera prema specifikaciji, koja je navedena u Zahtjevu za dostavu ponude Kupca, broj: 06-11-188-1/22 od 08.02.2022. godine, kao i Ponudi Prodavca, br. 5110/23 od 13.02.2023. koje čine sastavni dio ovog Ugovora.

Član 2.

Prodavac je dužan isporučiti predmet nabavke prema specifikaciji iz člana 1. ovog Ugovora i prema svojoj Ponudi.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 2.357,63 KM (slovima: dvijehiljadetrinstotinedesetsedam i 63/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 338 900 2208510 172 otvoren kod UniCredit Bank d.d.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora, a nakon isporuke robe i dostavljene fakture, u roku 30 (slovima: trideset) dana.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti na sljedeću adresu: Fehima ef. Čurčića br.1, najkasnije u roku do 30 (slovima: trideset) dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi broj: 5110/23 od 13.02.2023. godine, a koju je Kupac odabrao kao prihvatljivu i kvalifikovanu. Primopredaju robe izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje robe iz člana 1. ovog Ugovora od strane ovlaštenog lica Kupca.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Prodavac nema pravo zapošljivati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.

Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

Član 13.

Ugovor je sačinjen u 5 (slovima: pet) istovjetnih primjerka, od kojih Kupac zadržava 3 (tri), a Prodavac 2 (slovima: dva) potpisana i ovjerena primjerka.

**ZA PRODAVCA
R&S d.o.o.
DIREKTOR**



Damir Pahor



**ZA KUPCA
KUCZ KS
DIREKTOR**



Dženan Brkanić



Broj: 107/2023
Sarajevo, 17.02.2023. godine

Broj: 06-11-188-4/23
Sarajevo, 15.02.2023. godine

